

石策杖而行高低肆瓦兩足不並立如是者里許見巨石二高三  
四丈倚古松飛流從石間落捫石而轉歷石磴數千級有石崖玲  
瓏如屋而穿梯之白石青松古藤似覽鏡中圖畫然僂僂而過蒼  
翠森森別一天日右倚石壁色如鐵左臨高峰巽如鵬無寸土無  
纖塵唯精舍數間畧似平地階下巨石四仄亞以竹木雲林丘壑  
常不是過舍後厓谷逶迤蒼翠杳冥三疊泉奔注而末水霧陰霾  
見天僅一痕也

坤輿外紀

極西南懷仁敦伯著

人奉四元行

莫卧爾國人奉四元行之一及其死也各用奉行葬其屍奉土者  
入土奉水火者入水火奉氣者懸尸于空中

巨鳥異獸

印第亞有巨鳥吻能解百毒一吻直金錢五十象能識人言命負  
物至某處住輒不與他國象過之則蹲伏其地多毒蛇泉水染其  
毒人畜飲之即死有獸名獨角每日以角覆其水人畜鳥獸方敢  
飲有牛大如象生兩角一在上一在頂背皮如鱗甲頭大尾短  
能居水中數十日百獸俱懼伏值象與虎必逐殺之骨肉皮角牙

坤輿外紀

糞皆為藥西洋貴重之其猶有肉翅能飛如蝠大如貓

石人

納多理亞國有山多瑣石國人往鑿之至一石穴石人無算皆昔時避亂之民穴居于此死後為寒氣所凝漸化為石

人異

韃而韃人性好勇以病殺為辱穿馬肉以馬頭為絕品貴者方得食之更有晝行夜伏身蒙鹿皮喜食蛇蟻蜘蛛者有人身羊足者有長人善躍一躍三丈者氣候極寒夏月層冰二尺

把雜爾

渤泥國有獸名把雜爾似羊鹿腹内生一石療百病極貴重至百換國王藉以為利

小自鳴鐘

熱爾馬尼亞國其人工作精巧制器匪夷所思能於戒指內納一自鳴鐘有一大鏡能于二刻間連發四十次

冬至日短

莫斯科末亞國其地夜長晝短冬至日止二時氣候極寒室宇多用火溫行旅為嚴寒所侵血脉俱凍入溫室耳鼻輒墮自外來者先以溫水浸其軀俟僵體漸甦方可入室八月至四月皆衣裘

聾石 三奇

諸厄利亞國有怪石能阻聲長七丈高二丈隔石發大鏡不聞有湖長百五十里廣五十里有三奇事一魚味甚美皆無鱗翅二天靜無風倏起大浪破壞舟楫三有小島無根因風移動人弗敢居

草木極茂滋息牛羊鹿豕甚多

亞既刺

利未亞國百獸所聚異類相合輒產奇形異狀之獸有鳥名亞既刺乃百鳥之王羽毛黃黑色高二三尺首有冠鉤喙如鷹飛極高巢于峻山石穴生子令視日目不瞬者乃留之性鷙猛能攫羊鹿百鳥食之毒蛇能害其子此鳥先尋一種石置巢邊蛇毒遂解有山狸似麝臍後一肉囊香滿輒病就石上剔出始安香如蕪合油黑色能療耳病產異羊一尾重至十斤未至美土人冒險者能制毒蛇且探亞既刺巢中餘肉可供終歲之食

騾能傳種

厄曰多國女人恒一乳三四子不以為奇騾能傳種生騾駒

亞爾加里亞

莫訥木大彼亞國產象極大一牙有重二百斤者獸如貓名亞爾加里亞尾有汗極香阱于木籠汗沾于木乾之以刀削下便為奇香

無核果

聖多默島產百果俱無核

樹膏 鳥卵

白露國有樹生脂膏極香烈名梭爾微摩傳諸傷損一晝夜肌肉復合如故塗瘡不癩塗屍千年不腐一鳥名厄馬最大長頸高足翼翎美麗不能飛足若牛蹄善奔走鳥不能及卵可作盃器今番船所市龍卵卽此物

懶面

蘇木國一獸名懶面其爪如人指鬣如鳥腹垂着地不能行盡一月不踰百步喜食樹葉綠樹取之亦須兩日下樹亦然有獸前半類狸後半類猿人足敷耳腹下有房可張可合恒納其子于中欲乳方出

長人

長人國又名智加國地方頗冷人長一丈許遍體皆毛好持弓矢矢長六尺每握一矢挿入口中至沒羽以示勇男女以五色畫面為文飾曾掘地得人齒潤三指長四指餘蓋昔時人更長矣

異雞

墨是可國有雞大如鵝羽毛華彩味最佳吻上有鼻如象可伸可

縮縮僅寸餘伸可五寸許惱怒則血聚于鼻正赤尾開屏如孔雀

無對鳥

爪哇島等處有鳥名無對無足腹下生長皮如筋纏于樹枝以立身毛色五彩光耀可愛不見其飲食意唯服氣而已

獨角獸

印度國產獨角獸形大如馬極輕快毛色黃頭有角長四五尺其色明作飲器能解百毒其銳能觸大獅若悞觸樹角不能出反為獅斃

鼻角

印度國剛霸亞地產獸名鼻角身長如象足稍短遍體皆紅黃斑點有鱗介矢不能透鼻上一角堅如鋼鐵將與象鬪時則于山石

磨其角觸象腹而整之

乳羊

南印度國產山羊頂生兩乳下垂乳甚肥壯眼甚靈明

般第狗

意大理亞國巴鐸河產般第狗晝潛于水夜卧旱地毛色不一以黑為貴能嚙樹木其利如刀

大懶毒辣

意大理亞國有蜘蛛類名大懶毒辣凡螫人受其毒即如風狂或嬉笑或跳舞或仰卧或奔走其毒中人氣血此年必發瘰其疾者以各人本性所喜音樂解之

獲落

里多瓦你亞國產獸名獲落身大如狼毛黑光潤皮甚貴性嗜死屍貪食無厭飽則去入稠密樹林夫其腹令空又覓他食

撒刺漫大辣

熱爾馬尼亞國獸名撒辣漫大辣產于冷濕之地性甚寒皮厚力能滅火毛色黑黃間雜背脊黑長至尾有班點

狸猴獸

額第約必牙國有獸上截如狸下截如猴色如尾灰重腹如皮囊遇獵人逐之則藏其子于皮囊內密于大樹中其樹徑約三丈餘

獅

利未亞州多獅為百獸王諸獸見之皆匿影性至傲遇者垂俯伏雖至飢不空于人逐之亦避行人不見處反任性疾行畏雄雞車

輪之聲聞即遠遁又最有情愛人傷必報常時病瘥四日即發一度病時躁暴猛烈人不能制醫以藥則騰跳踴美不息

意夜納

利未亞州有獸名意夜納形色皆如大狼目睛能變各色夜間舉人聲音喚誘人而啖之

蕪

智勒國產異獸名蕪其尾長大與身相等獵人逐之則負其子于背以尾蔽之急則吼聲洪大令人震恐

長吻鵲

伯西爾喜鵲吻長而輕與身相等空明薄如紙

無目蛇

伯西爾有蛇大而無目盤旋樹上凡獸經過其旁聞氣即緊縛之樹間而食

駱駝鳥

南亞墨利加州產駱駝鳥形似駱駝禽中最大者首高于乘鳥之人走時張翼大如棚疾于馬腹中甚熱能化生鐵

四絕

墨是可國有四絕一馬二屋三街備四相貌

七奇

一亞細亞州巴必驚城二樂德海島州人巨像三利未亞州厄日多國孟斐府尖形高臺四亞細亞州嘉畧省茅索祿王瑩基五亞細亞州厄弗俗府飲月祠廟六歐羅巴州亞嘉亞省石造供木星

人形七羅法海島高臺

海族

海族不可勝窮自鱗介外凡陸地走獸海中多有相似此魚族一名把勒亞身長數十丈首有二大孔噴水上出勢若懸河見海船則昂首注水船中頃刻水滿船沉遇之者以咸酒鉅木覺投之連吞數鬣俛首而逝淺處得之熬油可數千斤一魚名斯得白長二十五丈性最良能保護人或漁人為惡魚所困此魚往聞解漁人之厄故國法禁人捕之一名薄里波其色能隨物變如附土則土色附石如石色一名仁魚西書記此魚嘗負一小兒登岸偶以箸觸傷兒兒死魚不勝悲痛亦觸石死西國取海豚嘗取仁魚為招每呼仁魚入網即入海豚亦與之俱俟豚入盡復呼仁魚出網海豚悉羅一名刺魚背長丈許有鋸刻如鋸猛而多力能與把勒魚戰海水皆紅此魚擊豚以嘴觸艇而破海船甚畏之一魚甚大長十餘丈闊丈餘目大二尺頭高八尺口在腹下有三十二齒齒長徑又頭骨亦長五六尺迅風起嘗衝至海涯一魚甚大有力海船遇之其魚竟以頭尾抱船兩頭舟人欲擊之恐一動舟必覆惟跪祈天主須臾解去一如鱣魚名刺瓦而多長尾堅鱗刀箭不能入足有利爪鋸牙滿口性甚悍惡入水食魚登陸人畜無所擇百魚遠近皆避第其行甚遲小魚百種嘗隨之以避他魚吞啖生子初如鵝卵後漸長以至二丈每吐涎于地人畜踐之即仆因就食之凡物開口皆動下頰此魚獨動上鰓口中無舌冬月則不食物人見却走必逐而食之人返逐之彼亦却走其目入水則鏡出水極

明見人遠則天近則地故西國稱爲慈悲者爲刺瓦而多矣獨有三物能制之一爲仁魚蓋此魚通身鱗甲惟腹下有軟皮仁魚嘗甚利能刺殺之一爲石苟滿鼠屬也其大如狗善以泥塗身令滑俟此魚開口俟入腹齒其五臟而出又能破壞其卵一爲雜腹蘭香草也此魚最喜食蜜養蜂家四周種雜腹蘭卽弗敢入有名落斯馬長四丈許足短居海底罕出水面皮甚堅用刀刺之不可入額有角如鈎寐時以角掛石晝日不醒又有魚大如山昔西船海島纜舟登島行遊復在島造作火食漸次登舟解維不幾里忽聞起大聲回視所登之島已沒方知是一魚背有獸形體稍方其骨軟脆有翼能鼓大風以覆海舟其形亦大如鳥人有一獸二手二足氣力猛甚遇海船輒顛倒播弄之多遭沒溺稱爲海魔其小者有飛魚僅尺許能貼水面而飛有狗魚善窺飛魚之影伺有所聞先至其所開口待啖恆追數十里飛魚急輒上舟爲人得之舟人以雞羽或白練飄揚水面上着利鈎狗魚認爲飛魚躍起吞之爲舟人所獲人有麻魚狀極窟萃饑餓時潛于海底魚聚處凡魚近其身卽麻木不能動因而食之倘人以手足近之亦必麻木又海蝦蟆產地中海與石同色餓時潛身石內鼻吐一紅線如小蚯蚓以餌小魚衆魚誤以爲石內小虫羣爭食之咸入其口西紅海內產風魚可以占風國人曬乾掛于房內以其身首所向卽爲風起之方有介屬之魚僅尺許有殼六足足有皮如欲他徙則豎半殼當舟張足皮當帆乘風而行名曰紅魚有蟹大逾丈許其螯以箝人首人首立斲箝人眩人眩立斲其殼覆地如矮屋然可容人卧



有海馬其牙堅白瑩淨文理細如絲髮可為念珠等物復有海女  
上體如女人下體為魚形其骨為念珠服之可止下血二者皆魚  
骨中上品各國貴重之海島有二種一宿島中者常飛颺海面海  
船過之可占海島遠近一生長海中不知登岸船上欲取之以皮  
布水面以鈎着餌置皮上鳥就食輒可鈎至若釣魚然有鳥能捕  
魚者身生皮囊如網入水覆魚而出人因取之又有極異者為海  
人有二種其通體皆人鬚眉畢具特手指畧相連如鳥爪西海  
捕得之進于國王與之言不應與飲食不啻王以為不可狎獲縱  
之海轉盼視人鼓掌大笑而去二百年前西洋喝蘭達地曾于海  
中獲一女人與之食輒食亦肯為人役使且活多年見十字聖架  
亦能俯伏但不能言其身有肉皮下垂至地如衣服者然但着  
體而生不可脫却二者俱可登岸第不識其性情莫測其族類又  
不知其在海宅于何所似人非人良可怪

海產

海產以明珠為貴則意蘭最上土人取海蚌置月中晒之俟其口  
自開然後取珠則珠鮮白光瑩有大如雞子者光照數里南海皆  
剖蚌出珠故珠色黯無光有珊瑚島其下多珊瑚初在海中色綠  
而質軟上生白子土人以鐵網取之出水便堅有紅黑白三色紅  
者堅而密白黑者鬆脆大浪山東北有暗礁水涸礁出悉是珊瑚  
猶精寶石各處不乏小西洋更多琥珀則歐羅巴波羅尼亞有之  
沿海三十里皆是因風浪所湧堆積此地龍涎香黑人國與伯西  
兒兩海最多有大塊重千餘斤者望之如島每為風濤湧泊于岸

